



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Prima Duo Sæcula Complectens

**Fleury, Claude**

**August. Vind. [u.a.], 1758**

**VD18 13322648**

§. 36. S. Paulus Athenis.

---

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

Judæis Theſſalonicenſibus relatum, venerunt Berœam, ut commoverent plebem; ſed fratres feſtinarunt emittere Paulum, quaſi ad mare iturum, Sila & Timotheo remanentibus.

Sæculum I.  
A. C. 42.

§. XXXVI.

*S. Paulus Athenis.*

Qui S. Paulum comitabantur, deduxerunt eum Athenas, unde illos remittens, Silæ, & Timotheo ſignificare rogabat, ut quantocius ad ſe venirent. Dum Paulus eos Athenis manet, zelo accenſus eſt, videns, quantis Idololatriæ tenebris hæc civitas involveretur. Is enim erat locus totius Græciæ, quo ſuperſtitio quaſi propria in ſede regnabat, & Athenienſes a cunctis Gentibus inter omnes religioſiſſimi habebantur. Paulus in Synagoga ſermocinabatur cum Judæis, aliisque, qui adorabant Deum, in foro publico autem cum omnibus. Magna ſemper Athenas, non tantum ex Græcia, ſed ex omni Regione peregrinorum multitudo conſuebat, tanquam ſcientiarum, artium liberalium, & morum elegantia patriam. Præcipua Athenienſium ſive incolarum, ſive hoſpitum occupatio erat, ut nova, vel narrarent, vel diſcerent; inter alia vitia eminebat apud eos curioſitas; auſcultabant ergo Paulum, quia Doctrinam

*Jof. in App.  
lib. II.*

*Pauf. l. 2.*



Sæculum I.  
A.C. 42.

ctrinam novam afferebat. Quidam Philosophi disputabant cum eo, variis enim eorum Sectis Athenæ scatebant; majori inter alias auctoritate pollebant duæ, Epicureorum, & Stoicorum. Epicurei felicitatem constituebant in sensuum delectatione; Stoici econtra in perfectione rationis, & virtutibus moralibus; utraque Secta de Deo erat parum sollicita. Ideo plerique Doctrinam S. Pauli spernebant. Quosdam tamen curiositas, & desiderium subiit, hanc Doctrinam penitus perspiciendi, duxeruntque eum in Areopagum.

*Incurf. de  
Areop. c. 9.*

Is erat locus, ubi Judicum selectorum societas conveniebat, quorum erat de rebus summi momenti cognoscere, quæ causam capitis, Religionem, aut mores spectabant. Tribunal totius Græciæ famosissimum. Cum illuc intrasset Paulus, occasionem dicendi sumpsit ex altari, quod in civitate viderat, ignoto Deo sacrum. Ajunt inscriptionem fuisse talem:

*Hier. in ep. Diis Asiæ, Europæ, & Africa, Diis  
ad Tit. 1. 12. ignotis, & peregrinis. Hæc erat ho-  
Chrysof. in rum Infidelium in superstitionis excessu  
acta. 17. 11. cautio, ne quamdam usque Divinitatem  
24. hom. 38. incultam præterirent; sed cum æmulatione cæteros inter populos hospitalitatis leges erga Deos, & homines studiose observarent.*

Pre-



Prensata hac occasione S. Paulus ad eos; hunc Deum quem ignotum adorarent, esse verum Deum, Creatorem cœli, & terræ, qui non habitaret in Templis, nec species ejus ab operibus hominum posset spectabilis reddi, cum ipsi homines sint opera ejus. Deum hominum ignorantiam miseratum, eos ad pœnitentiam invitare, comminatione judicii, in fine temporum ab homine exercendi, quem, ut in eum crederent, a mortuis resuscitasset. Athenienses de resurrectione mortuorum audientes, quidam iridebant; alii dicebant: *Audiemus te de hac re iterum.* Fuerunt, qui Paulum secuti, conversi sunt; inter alios Dionysius Areopagitarum unus, & mulier nomine Damaris. Hic Dionysius fuit primus Atheniensium Episcopus.

Inter hæc Silas, & Timotheus advenerunt; Timotheum quidem Paulus Thessalonicam misit, & Silam in Macedoniam, haud dubie ad aliam civitatem, ubi exhortaretur, & confirmaret Fideles. Ipse solus Athenis mansit. Desiderio quidem tenebatur vehementi per se visendi Thessalonicenses, amabat enim hanc Ecclesiam; sed bis itineri accinctus, impeditus est a Satana; cum tamen mutua consolatione indigerent, suum illuc misit Discipulum.

## §. XXXVII.

Sæculum I.

A. C. 42.

*Dionys. Cor.  
ap. Euf. IV.  
hist. c. 23.*

*1. Theff. 2. 17.  
3. 1. 2.*

*c. 2. 18.*